

境界皆是菩薩摩訶薩善巧方便智慧所行
 光聚王又如世間有識尼迦人六十四種藝
 能具足是人愛樂財寶隨所向處以藝能故
 一切所用皆悉能得於彼彼人所得財利已
 後復忘恩心生棄捨具善巧方便菩薩亦復
 如是於一切處設諸方便救度衆生彼彼所

向於諸衆生無所希取見彼衆生所有善根
 勸令增進由彼所作善根力故普令衆生出
 生勝行菩薩亦復無所取著乃至戲樂等事
 雖復順行而已捨離不復於心有所繫縛光
 聚王又如世間傍生異類或見妙華色香具
 足時彼傍生不能生起一念愛樂具善巧方

便菩薩亦復如是雖受一切戲樂等事未嘗
 暫起一念愛樂無自作無他作一切無著光
 聚王又如世間肥壤地中植諸種子決定得
 生芽莖菓實具善巧方便菩薩亦復如是修
 空無相無願解脫法門決定已能離諸滌法
 雖受一切戲樂等事而亦不壞修行佛所稱

讚功德成就光聚王又如世間漁捕之人於
 大池中張以大網捕取其魚隨彼所欲皆悉
 能取不墜水中具善巧方便菩薩摩訶薩亦
 復如是修空無相無願解脫法門一切智心
 堅固所護畢竟不墜生死泥中隨彼彼處滅
 此身已生梵天界

十末

佛說大方廣善巧方便經卷第一 駕一

平江路磧砂寺大藏經房伏承

妙明園極尊佛天權師本略嘉定州人報國通善住持監明丁伏觀本寺刊雕

一大藏經板勝事也

法寶勝緣千生難遇風何善種今幸遭逢由是發心池中統製宜信定助緣利離苦

四圍下實三有法界有情同歸利益

延祐二年歲在乙卯八月

日題

佛說大方廣善巧方便經卷第二 駕二

西天譯經三藏朝奉大夫試光祿卿傳法師賜紫臣施護奉 詔譯

復次光聚王又如持明人善修瑜伽悉地法
 門於秘密五種縛中而受繫縛隨所作法不
 越三昧是人以一大明句力悉能斷除彼一
 切縛而獲安住秘密行門雖在繫縛中常不

乙

小五

離三昧具善巧方便菩薩摩訶薩亦復如是於五欲境中嬉戲順行隨其所作不壞正行是菩薩以一智慧明力悉能清淨一切染法於一切智心而能安住雖受五欲樂常生梵天界光聚王又如世間善用劍者於其劍法巧妙精熟是人一時隱覆利劍獨行曠野險

難之處於其中路忽見一人單已無伴復無器仗時用劍人見彼人已生悲愍心即相附近而謂言曰汝今獨行一無伴侶又無器仗將何護身汝今同我隨其所往終不令汝有所闕失若忽值遇盜賊等事我當為汝作大救護言已同行於其中路忽逢賊衆時同行

人不知此人先隱利劍見是賊已即生怖畏時用劍人發勇猛心無所怯懼即出其劍與彼賊衆而共鬪敵時彼賊衆皆悉斷命其用劍人自護身已復能防護彼同行者咸得安隱過斯險難具善巧方便菩薩摩訶薩亦復如是而能具足種種方便執智慧劍雖於五

欲境嬉戲順行終不暫令身根起放逸事能為身根作大防護設於異時遇煩惱魔菩薩亦復無所動轉被精進鎧不生怖畏以智慧劍斷煩惱網悉令清淨菩薩常生清淨佛土亦時會中有一菩薩名曰作愛於其食時入舍衛大城而行乞食時彼菩薩次第行至一

長者舍住立門側發聲乞食長者有女名曰上財顏良端正人所愛樂是時彼女聞菩薩聲即持飲食出施菩薩授其食已即於菩薩生愛樂心若色相若音聲而生取著由此因緣起貪染心作愛菩薩見是女已即知其念菩薩亦時於貪染法無所作意即自思惟於

寫二

二

須臾間若起一念貪染心者是大過失何以故今此女人我於何處而生可愛若彼眼根為可愛者眼是無常敗壞不淨肉團彼自性空何所愛樂若於耳鼻舌身意根為可愛者彼彼諸根亦復如是自性皆空無有實法何所愛樂如是從足至頂乃至內外中間一一

如實審諦觀察是中無有少法可得我今如是如實觀已於一切法悉無所有法無有故即法無生菩薩作是思惟時即得無生法忍菩薩得是利已心大歡喜即於是處踊身虛空高一多羅樹於其城中右遶七匝出舍衛大城乘空往詣佛世尊所

尔時世尊見彼作愛菩薩威德巍巍猶如鵝王乘空自在徐緩而來世尊見已謂阿難言阿難汝見此作愛菩薩從空來不阿難白佛言世尊唯然已見佛告阿難言汝今當知此菩薩者於一切法離貪愛心證法無生悉無所得而能降伏一切魔軍廣為衆生轉正法

輪時佛言已而彼菩薩即住空中聽佛說法是時彼上財女人於長者舍忽然命終生三十三天轉女人相得天子身彼天子生時有七寶莊嚴微妙宮殿同時出現縱廣十二由旬復有一萬四千天女眷屬同時而生是諸天女於須臾間自有智生成作是念我等今

時以何善根得生於此即知先世舍衛城中有長者女於一菩薩起深愛心以是因緣於彼命終生此天中轉女人相而為天子彼得無量勝報神通我等由是天子勝因緣故亦得生此作是念已歡喜而住

尔時彼新生天子即作是念我昔人間生染

駕二

三

愛心如何今時得是勝報此因緣者乃是作愛菩薩增上善力為開導故我今宜應往詣佛所恭敬供養彼佛世尊及欲瞻禮作愛菩薩尔時彼天子作是念已即時與諸天女眷屬持以種種殊妙香華從彼天界來詣佛所到已頭面禮世尊足即於佛前合掌向空遙伸敬禮作愛菩薩然後以彼所持衆香華等尊重恭敬供養世尊作供養已右遶三匝合掌向佛說伽陀曰

不可思議人中尊 不可思議大菩提
不可思議諸佛行 不可思議諸佛法
我舍衛城長者女 父本立名為上財

色相端嚴衆所欽 父母宗親亦愛念
於一時中有佛子 具大威德名作愛
舍衛城中乞食行 次第來至於我舍
我時聞彼美音聲 適悅歡喜即取食
持食詣彼作愛前 以尊重心施佛子
我時見彼妙色相 心生愛染欲和合

彼因緣故不能成 我於剎那而命斷
我今不能具宣說 作愛佛子大因緣
於染愛法不相應 令我滅已生勝處
世尊我雖捨前報 使哉斷我女人相
轉成男子大威光 又復得生於天界
與我同生諸天女 一萬四千爲眷屬

復有最上七寶嚴 微妙宮殿同時現
我時發生如是心 此爲不可思議事
我以染愛心爲因 云何得此清淨報
作愛佛子甚希有 亦名作喜作光明
我身熾盛大威光 由彼勝因獲如是
染因能成如是果 聲聞緣覺不能知

而彼乘中無此法 唯善逝智而能轉
假使殫伽沙數劫 不能修學諸佛智
我今無餘所樂心 唯求無上菩提果
作愛佛子大威德 是我最上善知識
我因彼故得見佛 安住菩提無退轉
我知修行菩提者 於染愛心無所著

如我所轉女人相 普願一切爲男子
我前世中命終後 父母親族懷悲惱
恩愛極苦所纏心 返於沙門生忿恚
我今以佛威神力 於剎那間詣父所
隱身住空而白言 勿於沙門生忿恚
起忿恚者大過失 於長夜中受苦惱

上財女者今我是 已生三十三天中
轉彼女人前報相 得大威光天子身
父母今詣於佛所 應當懺彼忿恚心
佛是衆生大慈父 一切衆生所歸趣
父母聞說佛聲已 即起廣大增勝心
尔時父母承佛力 應聲即詣於佛所

到已頭面禮佛足
白言我今歸依佛
佛法僧寶最尊勝
唯佛能知我心意
發是言已諦誠住
佛告上財父母言

懺悔先起忿恚心
合掌又復伸問言
當云何作供養事
如我所問願佛說
一心渴仰而聽受
汝今諦聽我所說

若欲供養諸佛者
當知汝女上財者
今轉女身為天子
父母聞佛如是語
歡喜稱讚作是言
尔時佛告阿難言

應當發起菩提心
五百生中種善根
為汝父母善開導
即發無上菩提心
人中大便如實語
汝今證知如是事

菩薩方便不思議
如上財女所轉相
阿難如是勝功德
今此天子勝福報
而能恭敬佛世尊
多劫已曾供養佛

於深心中得淨報
一切衆生亦如是
能令衆生皆離苦
於深愛心常清淨
尊重無上菩提故
於諸佛所種善根

堅固安住菩提心 決定當得菩提果
尔時尊者阿難白佛言世尊如我意者譬如
須彌山王衆寶所成雖種種寶有種種色彼
黃金色而為最上菩薩摩訶薩亦復如是若
清淨心若染汚心若住法心若隱法心雖種
種心如是差別彼一切智心而為最上世尊
諸菩薩摩訶薩最初安住一切智心於諸染
法悉能清淨又如有藥名曰善現能治世間
一切病苦菩薩摩訶薩亦復如是住一切智
心已能斷除貪瞋癡等諸煩惱病
尔時世尊讚尊者阿難言善哉阿難如汝所
說如是如是

尔時尊者大迦葉前白佛言希有世尊菩薩
摩訶薩能行最上寂靜之行能於一切衆生
起悲愍心常所利益又復能修空無相無願
解脫法門不樂聲聞緣覺之法於一切處不
離一切智心具不可思議善巧方便世尊諸
菩薩摩訶薩一切所行無著無礙於色聲香

味觸境中行而不取亦無起作世尊我今樂說譬喻明菩薩行願佛世尊聽許我說佛言大迦葉樂說當說今正是時大迦葉言世尊譬如世間有無數百千人衆於其曠野險難之處見有一門而彼人衆亦時各各從其門入過是門已次見道路其路懸曠險惡多難

彼諸人衆見是路已成生怖畏是時有一智人具善方便欲為多人利益安樂即告衆言汝等當知去此不遠有一大城其城廣闊嚴麗清淨人民熾盛安隱豐饒入彼城者適悅快樂誰當愛樂入其城中即能遠離險難怖畏時彼衆中有一類人聞是語已即時發言

駕二

六

我今樂入是城已見其豐饒安隱快樂生希有想愛著不捨即於彼住不復樂出有一類人聞說其城即時發言我亦隨順入彼城中是人雖入不樂彼住後復還出又復衆中有一類人雖聞是語不能前詣入彼城中世尊彼有智人過此城已又復行於曠野險路

出是路已見一道徑其徑狹小可一尺量徑之左面有一大坑深百千肘徑之右面復一大坑深百千肘若或有人墮是坑者不能出離彼徑四向有一類人發是聲音我於此處生大怖畏又復去彼狹徑不遠有四衢道一類人衆遊履其道隨其所向彼彼皆能見有

大城如如所見彼彼隨應而生愛樂時彼智人見是狹徑已即行其徑到安隱處世尊世間無數百千人者當知即是諸愚異生

一門者當知即是取一有身彼曠野險難中見道路者當知即是生死險難之路其路懸曠者當知即是無明有愛為因受果極懸遠

故彼有智人能唱導者當知即是具善巧方便菩薩摩訶薩彼大城者即是二乘所證涅槃有一類人入彼大城愛樂安住不求出者當知即是聲聞緣覺下劣信解生止息想彼一類人亦欲隨順入其城中不樂安住後還出者當知即是餘諸菩薩成就最上信解心

駕二

七

故彼一類人雖聞是語不能前詣入其城者當知即是少福無智諸外道輩彼有智人過此城已又復出彼曠野路者當知即是具善巧方便菩薩摩訶薩精進波羅蜜多故彼一尺量狹徑路者當知即是最上法界左面坑者當知即是彼聲聞地右面坑者當知即是

彼緣覺地彼徑四面有一類人發怖畏聲者當知即是諸天魔王及魔眷屬彼四衢道者即是四攝法門隨其所向彼彼皆能見大城者當知即是彼二乘人隨其所應見佛功德見佛所行及佛智慧生愛樂故時彼智人到安隱處者當知即是到一切智地世尊如是

等譬喻說者當知皆是菩薩摩訶薩善巧方便引導眾生是為菩薩最上勝行以是義故我於菩薩摩訶薩所應敬禮

尔時世尊讚尊者大迦葉言善哉善哉汝大迦葉善說此語當佛如是讚迦葉時會中有萬二千衆生得天人身皆發阿耨多羅三藐

三菩提心佛告大迦葉言汝今當知菩薩摩訶薩具善巧方便者已能成就無量功德於一切時雖有所作不復起彼諸不善業於自於他遠離過失

尔時智上菩薩摩訶薩於佛會中見如是事聞如是法又復恭敬前白佛言云何世尊往

昔為一生補處菩薩時於彼迦葉如來法中曾作是語何故剃鬚髮云何求菩提而此菩提最上難得昔作是語當有何義願佛于今為我宣說佛告智上菩薩摩訶薩言止善男子勿作是語當知菩薩摩訶薩隨其所行隨有所說非無利益何以故具不可思議方便

菩薩見彼彼正士隨所應住於彼彼衆生如應調伏一切所行當知不離菩薩摩訶薩善巧方便

復次智上我今為汝廣說菩薩摩訶薩善巧方便甚深正法汝應諦聽如善作意善男子如我往昔為菩薩時於燃燈佛所成就不可

思議方便尔時我於彼佛法中證得無生法忍從是已後我為得忍菩薩為菩提故轉復精進若一劫若百劫未嘗懈怠未嘗厭捨未嘗失念數數來此輪迴趣中以善方便救度衆生以自慧力隨諸所作悉得成就於後邊際不作住想為利衆生無有休息當知此是

菩薩摩訶薩善巧方便

復次善男子我為菩薩時為菩提故雖入聲聞寂靜三摩地乃至入菩薩三摩地若身若心無出沒想雖得寂靜樂而不住著雖在三摩地而精進不懈以六波羅蜜多四攝法門教化衆生諸有所作未嘗懈怠當知此是菩

薩摩訶薩善巧方便又善男子我為菩薩時已得一生補處將欲成道轉大法輪即於堯率天宮如實觀察我今為當於此天中成等正覺轉法輪耶為人間耶如是觀察又復思惟我若即於天中作此利者閻浮提人不得聞法若於閻浮提中作此利者而此諸天不

得聞法我今隨其所宜但應下降閻浮提中成等正覺而此諸天亦可利益又復菩薩思惟觀察我若從此堯率天宮沒已下生人間不入胎藏現受生相於須臾間便成正覺者彼閻浮提所有衆生當起疑念此釋迦菩薩從何所來天中來耶乾闥婆中來耶變化來

第二

九

耶以是緣故從天中沒下降閻浮隨順世間入母胎藏當知此是菩薩摩訶薩善巧方便復次善男子菩薩雖住胎藏世間衆生不應於此作責任想何以故菩薩本從無垢寂靜三摩地安詳而起從天中沒下降人間處胎受生出家苦行乃至坐菩提場成等正覺降伏魔衆轉大法輪如是一切所作菩薩於中清淨無染無動無轉不出不沒以是義故應知清淨行菩薩不實住胎藏當知此是菩薩摩訶薩善巧方便又復何緣菩薩但現胎生不現餘生耶所謂菩薩於一切衆生中最上最勝是潔白分純一無雜以如是相現處胎

生當知此是菩薩摩訶薩善巧方便又復菩薩初入母胎其相云何所謂菩薩入母胎時內外清淨安隱無難不苦不惱如昔天中所受快樂菩薩入母胎時樂受相應亦復如是不同世人攬彼父母羯邏藍等穢汚不淨爲入胎相又復何緣菩薩於母胎中住滿十月不增減耶所謂菩薩不同世人住母胎藏日月數量有增有減以增減故胎藏不圓諸根缺減是故菩薩滿足十月胎藏圓滿諸根具足無所增減當知此是菩薩摩訶薩善巧方便又復何緣菩薩不樂宮殿而返於其園林中生所謂菩薩於其長時遠離憤鬧樂寂靜處修寂靜行有諸天龍夜叉乾闥婆等常所衛護菩薩欲令迦毗羅城一切人民以諸香華隨喜供養各得瞻覩以是因緣菩薩於其園林中生又復何緣菩薩之母攀其樹枝生菩薩耶謂菩薩母不同世間所有母人當產時時苦受相應得大苦惱摩耶夫人生菩薩

時樂受相應得大快樂以是因緣菩薩之母攀彼樹枝而生菩薩又復何緣菩薩於母胎中能念能知彼三世事乃至菩薩入胎住胎等事悉能知耶所謂清淨行菩薩於三界中最上最勝正念現前於一切法無所忘失是故菩薩雖住胎中能念能知彼一切事又復何緣菩薩生時唯帝釋天主而來衛護菩薩生已即爲捧接令時無復餘天人耶所謂帝釋天主先發大願菩薩生時爲作守護以彼往昔善根力故是故菩薩生時唯帝釋天主而來衛護又復何緣菩薩生已即於四方各行七步不減至六不增八耶所謂菩薩正士神通變化隨宜方便其相如是由此因緣但行七步無所增減又復何緣行七步已即發是言我於世間最尊最勝已能解脫老病死法謂此梵界諸天子衆聞菩薩生悉來瞻禮各各隨應得其利益菩薩令時即自思惟但此梵界諸天子衆得知是事我今欲令一切

駕二

十

普得聞知作是念言乃發聲言我於世間最尊最勝已能解脫老病死法發是言時所有三千大千世界諸天子衆及諸梵衆聞是聲已於須臾間一切皆來至菩薩所合掌恭敬隨喜稱讚以是因緣乃唱是言我於世間最尊最勝

佛說大方廣善巧方便經卷第二 駕二

十一末

平江路積砂寺大藏經局伏承
妙明圓悟普濟佛心大禪師本路嘉定州大報國圓通寺
住持比丘明伏觀本寺刊雕
一大藏經板勝事思念
法寶勝緣千生難遇夙何善種今幸遭逢由是發心
施中統鈔壹百定助緣刊雕功德上卷

四恩下資三有法界有情同霑利益
延祐二年歲在乙卯八月

日題

佛說大方廣善巧方便經卷第三 駕三

西天譯經三藏聖教大師法苑珠林傳法大師賜紫臣護奉 詔譯

復次善男子何緣菩薩生已現大笑相豈非菩薩以掉舉故現是相耶所謂菩薩生已作是思惟我欲普令一切衆生悉能同我發菩提心我當得菩提已廣度衆生出輪迴苦我

乙

明力

於是事無懈怠想我觀一類衆生起下劣心迷亂作意於解脫道不能發起廣大精進此復云何所謂具大悲心者能起精進彼類衆生無如是行我欲令彼成就如是廣大精進得最上解脫是故我取一切智果由此因緣心生歡喜以其喜因現大笑相而非菩薩掉奉相故又復何緣菩薩身本無垢而沐浴耶所謂菩薩無量劫來雖離垢染今此現生隨順世間沐浴其身又復何緣菩薩生已而不便從園中詣菩提場成等正覺復入王宮其事云何所謂菩薩身相圓滿威德具足人所瞻者皆獲利益菩薩乃入王宮令彼宮嬪一